



## Universitätsbibliothek Paderborn

**R. P. Joannis Nadasi, è Societate Jesu, Annus Caelestis,  
Jesu Regi, & Mariae Reginae, Sanctorum Omnis Sacer**

Anni Caelestis Dies, & Festa Mobilia

**Nádasi, János**

**Coloniae Ubiorum, 1667**

21 Feb. 9 Kal. Mart.

[urn:nbn:de:hbz:466:1-53527](#)

210 ANNI CÆLESTIS  
param singulari studio coluisse!  
*Da, ut sic te colam, ut mors mea sit  
Deo, ac tibi, gloria; mihi solatio, alii  
exemplo!*

21 Feb. 9 Kal. Mart.

**S.** Mauriti, & socii milites glorio-  
si, uncos, equuleum, flagra,  
flammas, tela, pro Christo, perpessi.  
Tu Photinum filium, coram te,  
propè paludem, ad palum alliga-  
tum, vespis, muscis, & sagittis me-  
tam factum, vidisti; & ipse, cum  
sociis, melle perunctus, palo al-  
ligatus, à vespis tandem ad mortem  
usque confossus es. O quot habe-  
bo, in supremo agonis certamine,  
defensores, si tu mihi, cum filio  
tuo, & sanctis copiis tuis, adfueris  
morienti! Ora, ut adsit mihi Im-  
perator noster Jesus; & me, in ulti-  
mâ illâ pugnâ, victorem faciat, &  
inter victores censeat in æternitate.  
Amen.

S. Pipine, Dux Brabantiae, juris  
peritissime, observantissime, SS.  
Arnulpho, & Cuniberto consilia-  
riis use; in cuius exequiis, per  
magnum omnino terræ spatium,  
in vento cereus nullus extinctus  
est.

S. Gon-

XXI FEBRUARII. 277

S. Gondeberte Episc. qui quam adificaras Ædem sacram, divino iussu, in augustissimæ cæli Reginæ honorem, dedicâsti, & ibi religiosam Congregationem collegisti.

S. Irene V. S. Damasi Papæ soror, duodecim annos nata, legendi, orandi, jejunandi studio supra æatem mirabilis.

Sancti septuaginta novem Martyres.

Sancti Verule, Secundine, Syrici, Felix, Servule, Saturnine, Fortunate, & alii sedecim martyres.

S. Severiane Episc. M.

S. Petre, qui cum ad te ægrum venientibus diceres: *Omnis, qui fidem Christianam Catholicam non amplectitur, damnatus est, sicut èt Mahomet pseudo-propheta vester;* ab illis necatus es.

Sancti Maximiane, Felix, & Prateri, Episcopi.

S. Colga Conf. cui & per iter, (te in sarcinulâ portandâ juvans) & in disputatione, (dum argumentis premereris) Sanctus Paulus Apostolus apparuit, tèque defendit.

S. Felix Ep. cuius nomen inter Metenses Apostolos ab Angelo litteris aureis est exaratum: impetramihi, ut pretiosis virtutum solidam-

M 4 rum

212 ANNI CÆLESTIS  
rum operibus, nomen meum libro  
vitæ dignum efficiam.

OMNES SANCTI, &c.  
pag. 44.

S. MARIA, sub cuius pallio vidit u.  
qui hodie mortuus est, cliens tuus, tibi  
devotorum cœtum, sub tuo pallio con-  
gregatum. Juva me, ut hic, & in  
cælo, tuorum cœtu dignus inveniam!

22 Feb. 8 Kal. Mart.

S. Margarita pœnitens, quæ viso  
inter lignorum struem vermi-  
bus scaturiente impuri tui lenonis  
cadavere, ad quod canis ductu per-  
veneras, fœditates antiquas pluri-  
mis lacrymis, sub religiosâ etiam  
veste, abluiisti: quæ vocem è cælo  
hanc audisti recens conversa: Non  
adhuc vocaberis Filia; quia filia pec-  
cati es: cùm vero à tuis peccatis perge-  
neralem confessionem purgata fueris;  
te inter filias numerabo. Tunc omnia  
tua peccata cognovisti, & octo die-  
rum confessione conscientiam ex-  
piasti, à Christo Filiæ nomine ap-  
pellata, & edoc̄ta, ut ad Euchari-  
stiam, die S. Joannis Apostoli su-  
mendam, te lacrymis, ad parvulum  
Jesum fuis, & silentio præparares,  
cui dixit idem Christus: Filia mea,

Pater